

Kontesta di e 7 preguntanan for di e Integraal afwegingskader voor beleid en regelgeving (IAK, Kuadro integral di konsiderashon pa maneho i regulashon) serka e proposishon di lei pa kambio di diferente lei den relashon ku e introdukshon di e burgerservicenummer (number di servisio sivil) i e previshonnan di e gobièrnu digital na Boneiru, Sint Eustatius i Saba (Wet invoering BSN en voorzieningen digitale overheid BES, Lei Introdukshon di BSN i fasilitashon di gobièrnu digital BES)

1. Kiko ta e motibu?

Servisio digital den e parti Oropeso di nos pais entretantu ta algu klaru. Pa pidi AOW i hasi deklarashon di impuesto te entrega di deklarashon di kuido: por hasi esaki for di kas; for di computer òf smartphone. Esaki ta mas fásil, ta spar hopi tempu pa e siudadano i ta hasi e servisio di gobièrnu mihó i mas efisiente. Pa por sirbi siudadano na un distansha, elektrónikamente bon, ta eksihí un medio di log in konfiabel i un number di identifikashon úniko. Pesei tur habitante di Hulanda Oropeso for di aña 2007 ta disponé di un number di servisio sivil (despues di aki: BSN) i nan tin aksesu na e medio di login DigiD. Den e parti karibense di nos pais, e Entidatnan Públiko Boneiru, Sint Eustatius i Saba (despues di aki: Hulanda Karibense) e imágen ta diferente. Komunikashon entre e siudadano i gobièrnu via papel òf na lokèt ei ta mas tantu e norma, servisio digital ta ménos klaru. E forma di servisio eksistente aki (físikamente i riba papel) riba su mes no ta malu i lo sigui eksistí pa tur hende ku ta preferá esei. Na mes momento ta deseabel pa sí hasi e bentahanan di servisio digital *posibel* na Hulanda Karibense. Pa siudadano i kompania aya tambe por hasi uso di por ehèmpel DigiD i eHerkenning (rekonosementu elektróniko) pa hasi negoshi ku e gobièrnu Hulandes Oropeso i Hulandes Karibense. Ku e moshon di e miembro Bromet c.s. di 14 di òktober 2021 a pidi gobièrnu pa finalisá e investigashon di e introdukshon di BSN na Hulanda Karibense mas pronto *posibel* i si for di e investigashon aki no resultá kontra-indikashon insuperabel, entamá e kambionan di lei nesesario serka Kamer.¹

2. Ken ta envolví?

- Habitante di Hulanda Karibense pa motibu di e kambio di nan number di identifikashon den BSN;
- Kolegionan Ehekutivo BES den relashon ku e registrashon di BSN na PIVA (registrashon di poblashon, e abreviashon ta para pa Persoonsinformatievoorziening Nederlandse Antillen en Aruba (Suministro di Informashon di persona Antia Hulandes i Aruba), partikularmente Afdelingen Burgerzaken CN (Departamentonan di Asuntunan Sivil Hulanda Karibense) relashoná na tene PIVA aldía.
- Rijksdienst Caribisch Nederland relashoná na informá siudadano.
- Órganonan di gobièrnu na Hulanda Karibense relashoná na e uso di e BSN.
- Suministradó di ICT.
- Ministerio di Asuntunan Interno i Relashon den Reino (BZK).

3. Kiko ta e problema?

Un kantidat di lei i regla ainda ta stroba ku tur 29 418² habitante di Hulanda Karibense ta haña un BSN i ku e previshonnan digital manera DigiD i eHerkenning, ta bira disponibel ei. Esaki ta pasobra, dia ku Boneiru, Sint Eustatius i Saba na 2010 a bira parti di e pais Hulanda, no ta tur lei i regla Oropeso Hulandes a drenta na vigor e ora ei. Asina e tempu ei a pèrkurá pa e transishon konstitushonal lo no a trese kambio muchu grandi (difísil pa hèndel) kuné den un tiru pa e islanan. Entretantu a laga e punto di salida aki di reserva den e área di legislashon i regulashon bai. E punto di salida nobo ta ku na

¹ *Dokumento di Kamer II 2021.22, 35925 IV, number 19*

² Fuente: CBS, fecha di determinashon promé di yanüari 2023

Hulanda Karibense mas tantu posibel e mésun reglanan ta na vigor ku na Hulanda Oropeo, a ménos ku tin un motibu spesífiko pa desviá. Enfin: apliká òf splika.³

4 Kiko ta e meta?

Ku e proposishon di lei aki ta adaptá vários lei eksistente pa mas tantu posibel trese e servisio digital di (semi)gobièrnu na Hulanda Karibense na un nivel igual ku na Hulanda Oropeo. E proposishon ta efektuá pa Hulanda Karibense ku: habitante registrá ta haña un BSN, habitante i kompania ta haña aksesu na medio digital pa login manera DigiD i eHerkenning i instansha, manera Ofisina di Impuesto CN, por usa (prosesá) e BSN den nan servisio. Pa e meta aki lo kambia: e Lei registrashon básiko di persona (Wet BRP, Wet Basisregistratie personen), e Lei di atministrashon básiko di dato personal BES (Wet bap BES, Wet basisadministraties persoonsgegevens BES), e Lei determinashon general number di servisio sivil (Wabb, Wet algemene bepalingen burgerservicenummer) e Lei gobièrnu digital (Wdo, Wet digitale overheid) i e Lei karchi di identifikashon BES (sédula, WIDk BES, Wet identiteitskaarten BES).⁴ Ku esaki asina lo ehekutá e moshon mentá di e miembro Bromet c.s. di 14 di òktober 2021. Ku e proposishon di lei aki e alkanse teritorial di e Wabb i e Wdo lo amplia te Hulanda Karibense. Banda di esei lo adaptá e legishon BES konserní pa por inkorporá e BSN den e propio atministrashon di poblashon i riba e karchinan di identifikashon BES (sédula, despues: karchi di ID BES). Ta kambia e Lei BRP pa por inkorporá e BSN di habitante di Hulanda Karibense den e BRP. E último aki ta nesario pa e funshonamentu di e fasilidatnan di gobièrnu digital ku ta liá na e BRP manera DigiD. Ku e proposishon di lei aki ta realisá ku:

- (1) tur habitante registrá di Hulanda Karibense tin un BSN (kambio di Lei BRP);
- (2) lo inkorporá BSN ademas di den e BRP tambe den e registrashon di persona di e Entidat Públiko, e atministrashon básiko di dato di persona BES, despues di esaki Bap BES⁵ (kambio di e Lei bap BES);
- (3) órgano di gobièrnu i otro usadó na Hulanda Karibense ta outorisá pa prosesá e BSN (kambio di Wabb);
- (4) siudadano i kompania por login seif i konfiabel serka (semi) gobièrnu (kambio Wdo);
- (5) ta inkorporá e BSN riba e karchinan di ID BES (sédula) nobo ku lo saka (kambio WIDk BES).

Pa por duna siudadano servisio mihó mas rápido i pa limitá e gastunan di ehekushon pa organisashonnan na Hulanda Karibense den e proposishon aki mas tantu posibel ta konektá ku fasilidat i proseso (técniko) ku ta eksistí kaba. E ora ei na promé lugá ta trata di previshon ku ta eksistí kaba na Hulanda Oropeo pa e otorgamentu i e uso di e BSN i medionan di login digitalmente, ku, huntu ku e proposishon aki tambe lo usa pa (servisio na) Hulanda Karibense. E ora ei ta trata entre otro di BRP, e Previshon di maneho BSN, DigiD i eHerkenning. Banda di esei ta integrá e BSN den previshon eksistente i proseso na Hulanda Karibense; Bap BES i e tarheta ID BES.

5. Kiko ta hustifiká intervenshon di gobièrnu?

E emishon di un number ku ta identifiká un persona i e ponementu di regla tokante gobièrnu digital ta eksklusivamente reservá pa gobièrnu.

6. Kiko ta e mihó instrumento?

Legishon.

Boneiru, Sint Eustatius i Saba a base di artíkulo 2 di e Invoeringswet openbare lichamen Bonaire, Sint Eustatius en Saba (Lei di Introdukshon Entidat Públiko Boneiru, Sint Eustatius i Saba) tin un propio

³ Despues di un temporada di asina yamá reserva legislativo for di 10 di òktober 2010 na òktober 2019 a laga e punto di salida di reserva legislativo bai (mira *Kamerstukken II 2019/20, 35300-IV, nr. 11, p. 3-4*). En bes di esei e prinsipio di apliká òf splika ta na vigor.

⁴ E proposishon di lei aki banda di esaki ta kontené un adaptashon tékniko di lei di artíkulo 24 di e Lei protekshon dato personal BES, mira e akklarashon segun artíkulo serka Artíkulo V.

⁵ Den e relashon aki tambe ta usa e término 'PIVA'; e suministro di informashon di persona Antia Hulandes i Aruba. Den e akklarashon aki ta mantené e nòmber formal Bap BES, ku esaki pues ke men e Bap BESnan di e Entidatnan Públiko.

sistema di derecho, ku pa un gran parti ta konsistí di regulashon hulandes antiano ku a tuma ofer òf regulashon ku spesífikamente a realisá pa e islanan ei. Solamente un kantidat limitá di areglo aktualmente ta aplikabel tantu na e parti Oropéo di Hulanda komo na Hulanda Karibense. Un otro diferencia importante ku e parti Oropéo di Hulanda ta ku Boneiru, Sint Eustatius i Saba den relashon ku Union Oropéo tin e státùs di pais i teritorio di ultramar (LGO, landen en gebieden overzee), ku ta pone ku en prinsipio regulashon di Union Oropéo no ta bálido pa Hulanda Karibense. Ei un areglo ta bálido solamente, si a determiná esaki segun regla legal òf ku di un otro manera indiskutiblemente e ta resultá di un regla legal. Si den un areglo hulandes no a determiná nada i su aplikabilidad na Hulanda Karibense tampoko no ta resultá di un otro regla legal, e areglo ei ta bálido solamente pa e parti Oropéo di Hulanda.

E regulashon tokante e BSN i tokante e previshonnan di e gobièrnu digital pa e motibu aki ta bálido solamente pa Hulanda Oropéo. A base di Wabb i Lei bap BES hurídikamente no ta posibel pa haña un BSN na Hulanda Karibense i laga registrá esaki den e propio atministrashon di poblashon. Pa haña un BSN aktualmente ta nesesario pa biaha pa un instansha di inskripshon na Hulanda Oropéo, pa registrashon komo no residente. Si un hende pa motibu di un registrashon asina òf pa motibu di un estadia anterior na Hulanda Oropéo tin un BSN kaba, e ora ei pa organisashonnan di gobièrnu na Hulanda Karibense aktualmente no ta permití di prosesa e BSN ei. Pa esaki falta un base hurídiko den e Wabb. Finalmente e Wdo aktualmente ta stroba ku e órganonan di gobièrnu na Hulanda Karibense ta usa DigiD den nan servisio, esaki ta pasobra e balides di e lei ei ta delimitá teritorialmente te Hulanda Oropéo.

7. Kiko ta e konsekuensianan (sekundario) pa siudadano, kompania, gobièrnu i medio ambiente?

Siudadano (habitante di Hulanda Karibense) i kompania:

- E registrashon di e BSN i e inkorporashon di esei riba e karchi di identifikashon BES, sédula (kambio di e Wet BRP (Lei BRP), Wet bap BES (Lei bap BES) i WIDk BES) no tin konsekuensia pa e preshon di regla pa siudadano. E siudadano no tin di hasi niun akto èkstra pa haña e BSN; gobièrnu ta regla esaki. Tampoko e persona envolví no tin nodi di pidi un karchi di identifikashon BES (sédula) nobo; e karchinan di identifikashon ta mantené nan temporada di balides. Uso di e BSN i medio di login (kambionan di Wabb i Wdo) den e servisio digital na siudadano i kompania, segun espektativa tin un bahamentu di e preshon di regla komo konsekuensha. E grandura di e bahamentu di preshon di regla ei ta dependé di e organisashon eksakto di e servisio ei, di e dunadó di servisio mes. Ademá e proposishon di lei aki no ta kontené e obligashon di uso di medio di login bou di Wdo. Siudadano si nan ke por tuma servisio di gobièrnu via e ruta di papel kon tal ku no a determiná diferente den e legislashon di sektor. E proposishon di lei aki tin konsekuensia pa e privasidat di e habitantenan di Hulanda Karibense: persona ku ta den e atministrashon básiko di dato di p persona BES òf ku lo inskribí. Tin un ampliashon di e registrashon di dato pasobra ta inskribí un grupo nobo di persona den e BRP i pasobra ta inkorporá un dato nobo. Ademá tin un ampliashon di e suministro di dato na e Kolegionan Ehekutivo i e Minister di BZK, nesesario pa e atribushon i registrashon di e BSN. Finalmente tambe e introdukshon di e (previshonnan di) Wdo, e uso di BSN pa organisashonnan na Hulanda Karibense i e inkorporashon di e BSN riba e karchi di ID BES (sédula), tin konsekuensha pa e privasidat di esnan konserní. Den kapítulo 3 di e memoria di splikashon ta elaborá riba e aspektonan di privasidat di e proposishon di lei.
- **Gobièrnu:** E proposishon di lei segun espektativa ta kondusí na un peso struktural na e banda di RvIG, Logius i e Kolegionan Ehekutivo si ta trata di realisashon i despues maneho di e previshonnan tékniko. Logius lo mester suministrá adaptashon di proseso pa fasilidá DigiD na e islanan BES.
- **Medio Ambiente:** E proposishon di lei no tin konsekuensha pa medio ambiente.